

D' Schmutz-Badröön - Öppe so im 2019



Dr Kandidat

Si ganzi Karriere het är eis Politiker Ämtli nachem angere pflückt
Und jetzt isch dr Job aus Bundesrot trotzdem i witi Färni grückt
Dr Primin het si Draum vor auem wäge de Ching lo goh
Klar, süsch brönnti deheime d'Hütte lichterloh
Er seid für Ihn sig Wingle wächsle jetzt vuu meh wärt
Mir glaube s'isch eher wäg ere angere CVP Frau am Här



Dr König vo St. Gaue

16 Jahr het dr König Vinzenz d'Macht inbaliert
und in St. Gaue si eget Hofstaat installiert

D'Gnosseschaffer si sehr grosszügig gsi
Firmeanteil, Bonus, Nutte und sogar Logis

D' Raiffise het Ihn au e würdige Abgang verschafft
Ganzi 3 Monet gratis Sabbatical ir Untersuechigshalt

Glich wie vü Chunde vo'r Raiffise isch är drum ganz ufgewüent
Jetzt merkt är wie sech's im gschlossene Immobilienfonds afüent

Tüüfuswiib

Si isch die Feministin und taet aune Patriarchoe trotzze
Si het ihre BH verbrönnt und fingt Manne zum chotze
Ihri Nummere die fingsch da wüu si uf dr Homepage steit
Doch si fingsch sexistisch wüu e angeri nume 079 het gseit
Die Funchiello muss aber jetzt aspassie wie lat si tuet lärmme
Denn es blibt widerhin erlaubt de Chüe d'Hörner z'entfärne




Adieu Service public

Dr Service Public het sehr glitte
SBB und Swisscom dües abstritte

Thaute vom offizielle Fahrplan
Vergiss das bi üsere Staatsbahn

Sicherheit bi wichtige persönliche Date
Bir Swisscom nur Lecks und das in Rate

Was verspräche agot chasch di nur uf d'Poscht verlohn
mit bschissne Subventionen si die no immer id Gwünzone cho



Hopeless

Brexit Madness
Discussion Endless
Missing Cleverness
Bad Business
EU Unfairness
Ahead Darkness
Everybody Helpless
Wenigstens schwangeri Prinzess



Stärnestoub

Trotz Öpdeit blibt dä Disu e grossi Katastrofe
Dütschland tuet das nöi mit Fahrverbot bestrofe
D'Harstouer bschisse witer wo's nume geit
Und verspräche iis Suberkeit mit Sicherheit

Um dr Finstautbusstoss ganz legau nach unge z'richte
Tuet Mercedes jetzt uf e libau vom Äschebächer verzichte

Wortgwitter

Nid vuü Dänke, grad i Tasche grife
Ganz ohni zersch dr Textsch lo riife
Uf Twitter schribsch eifach was de wotsch
Das cha dr gröschtt Depp und jede Totsch
Hauptsach blöd, schnäu und bsunges Churz
Dum schribt dört dr Donald über jede Furz
und in Öschtrich versuechts jetzt au dr Kurz

S'Wichtigschte ar WM

Zwe Vögu hei i däm Theater ä bsungeri Rolle gspüet
und mit em Doppuadler s'letschte Vertraue verspiüt

Medial und intern duet me die Deppe z'rächtweise
Trotzdäm entwickelt sich die Affäre zur Staatskrise

Aber s'Wichtigschte a dere WM isch mit Sicherheit,
dass scho i dr Vorrundi die Dütsche si usegheit



Halal-o-Mat

Tuet hüt öpper so es Barbecue usrichte
Söusch ufs Mitnäh vor e Cervelat verzichte
Hesch aus Bsuecher aber gar kei Fleisch derbi
Cha das für di jetz au ganz gefährlech si
So es Feschtässe ohni Gschnätzlets muess nid si
Drum chunsch aus Gascht ir Saudi Botschaft grad mit dri

Es isch immer eso gsi — en ewigi Gschicht

Ir Weschtstadt herrscht akute Notstand
S' marode CIS isch ä bauleche Autbestand
Dr Bsitzer Amman isch grad no im Usstand
Und jetzt nöi CIS-Pleite Vorstand

Kei Sau chunt drus bi dam Umstand
Das schürt im Vouk e soziale Ufstand

Villecht het dr Amman jo wider dr Zanetti i dr Hinterhand
Dr Roberto und dubiosi Investore das isch kei Neuland
Aber anstatt für's Apacke und ufrume vom soziale Notstand
steit dr Zanetti hüt me für Ständerot im aktive Ruhestand




9 Nei hei üs grettet

Ir Türkei het dr Erdogan so si Macht zementiert
und äs autokratisches Präsidalsystem installiert

S'gliche het d'Soledurn es Machtvakuum hinterlo
Aber s'Vouk het d'Chance zum Systemwächsu usglo

vo usserordentlich zu ordentlich umfunktioniere
me chönt so s'Chlumperisiko vom Fluri minimiere

E Demokratie wie in Amerika schliessti d'Soledurn die Kluft
Zwar wär de d'Macht verteilt derfür dr nächst Stapi e Schuft



Tortur mit eim Heileit

I däm Fau würd us auem ä rise Sach
Bi jedem Schiisdräck gäbs e Krach

D'Stadt würd so im Chaos versinke
Fortschritt chasch dr de abschminke

Und zum grosse Polit-Showdown
Wär d'Stadtverwautig im Shutdown
Nur eis Heileit hät die ganzi Tortur
Im Weschte nach Granche gäbs e Mur

Frässhinderig

Die Gschicht do die stimmt, das isch kei Faable
Ar Kanti fähle plötzlech grad fuffhundert Gaable

Wenn eine so Wärschzüg tuet entwände
De wett ür das Bschteck doch au verwände

Auso öpper vo Gränche chasch do grad vergässe
Dört tüe si jo s'Fuetter no mit de Finger frässe

